

Tiada Siapa Terlepas Daripada Tindakan Termasuk Penyokong Kerajaan- PM Bernama
Julai 09, 2011

KUALA TERENGGANU: Tanpa mengira individu berkenaan menentang atau menyokong kerajaan, mereka yang melanggar undang-undang negara tidak akan terlepas daripada tindakan tegas pihak polis, kata Perdana Menteri.

Datuk Seri Najib Tun Razak berkata ini kerana polis bertanggungjawab menjaga keselamatan dan keamanan negara daripada pelbagai anasir yang boleh mencetuskan huru-hara dan mengganggu-gugat keharmonian negara.

Beliau berkata kerajaan mencadangkan pihak berkenaan mengadakan perhimpunan di stadium, di mana mereka boleh berhimpun dan membuat ucapan dengan aman serta mengemukakan tuntutan mereka.

"Itu tawaran sangat baik yang disediakan oleh kerajaan. (Sekarang) kalau ada tindakan dia kena hadapilah sama ada dia sokong kerajaan atau menentang kerajaan," katanya kepada pemberita selepas menyampaikan hadiah Kejohanan Sukan Isteri Wakil-wakil Rakyat Barisan Nasional (BN) Se-Malaysia di Stadium Negeri di sini, Sabtu.

Najib berkata demikian ketika diminta mengulas penahanan beberapa pemimpin kanan parti pembangkang serta Ketua Pergerakan Pemuda Umno Khairy Jamaluddin yang mengetuai perhimpunan kumpulan Patriot di Jalan Bukit Bintang, serta Anggota Majlis Tertinggi Umno Datuk Abdul Azeez Abdul Rahim. **-BERNAMA**

Hakcipta Terpelihara © 1995-2011 Star Publications (Malaysia) Bhd (Co No 10894-D).

Source:

http://mstar.com.my/berita/cerita.asp?file=/2011/7/9/mstar_berita/20110709210307&sec=mstar_berita